

STATUT

Udruženja za međunarodnu razmjenu
studentata radi stručne prakse
IAESTE Bosne i Hercegovine

Banja Luka, septembar 2007.

U skladu sa odredbama članova 10. i 12. Zakona o udruženjima i fondacijama Bosne i Hercegovine ("Službeni glasnik BiH", br. 32/2001) skupština Udruženja za međunarodnu razmjenu studenata radi stručne prakse IAESTE Bosne i Hercegovine, na sjednici održanoj 02.09.2007. u Banjoj Luci, usvojila je

STATUT

Udruženja za međunarodnu razmjenu studenata radi stručne prakse IAESTE Bosne i Hercegovine

I – Osnovne odredbe

Član 1.

Ovim statutom, u skladu sa zakonom se utvđuju:

- Puni i skraćeni naziv Udruženja i sjedište Udruženja
- Ciljevi Udruženja
- Djelatnost Udruženja
- Postupak za primanje i isključivanje članova Udruženja
- Status, prava i obaveze članova udruženja
- Organi Udruženja
- Pravila za ostvarivanje, korištenje i raspolaganje sredstvima udruženja i nadzor nad korištenjem tih sredstava
- Oblik i sadržaj pečata i znaka Udruženja
- Zastupanje udruženja
- Javnost rada udruženja
- Uslovi i postupak za spajanje, razdvajanje, transformaciju ili prestanak rada Udruženja
- Postupak za raspolaganje imovinom u slučaju prestanka rada Udruženja
- Druga pitanja od značaja za organizaciju i djelovanje Udruženja

II - Naziv i sjedište

Član 2.

Naziv udruženja je:

Удружење за међународну размјену студената ради стручне праксе
ИАЕСТЕ Босне и Херцеговине

Udruga za međunarodnu razmjenu studenata radi stručne prakse IAESTE
Bosne i Hercegovine

Udruženje za međunarodnu razmjenu studenata radi stručne prakse IAESTE
Bosne i Hercegovine

Udruženje ima sjedište u Banjoj Luci, na adresi Studentski centar Banja
Luka, ul. Majke Jugovića br.1.

Skraćeni naziv udruženja je:
ИАЕСТЕ БиХ
IAESTE BiH
IAESTE BiH.

III – Ciljevi odnosno djelatnosti udruženja

Član 3.

Udruženje je nestranačko, nevladino i neprofitno studentsko udruženje.

Član 4.

Ciljevi odnosno djelatnosti udruženja su da :

- se zalaže da omogući studentima stručno usavršavanje putem razmjene znanja i iskustava na institucijama visokog obrazovanja, organima i organizacijama u zemlji i inostranstvu,
- promoviše međunarodno razumijevanje i dobru volju među studentima svih nacija,
- omogućava studentima da upoznaju različite kulture i uče strane jezike,
- uspostavlja i širi poslovne kontakte širom svijeta,
- upoznaje druge narode sa kulturama i običajima naroda iz Bosne i Hercegovine,
- saraduje sa srodnim organizacijama i udruženjima u zemlji i svijetu.

IV - Područje djelovanja

Član 5.

Udruženje svoju djelatnost vrši na cijeloj teritoriji Bosne i Hercegovine.

Član 6.

Udruženje za međunarodnu razmjenu studenata radi stručne prakse IAESTE Bosne i Hercegovine može postati član asocijacije za međunarodnu razmjenu studenata radi stručne prakse IAESTE (International Association for the Exchange of Students for Technical Experience).

V - Prijem članova

Član 7.

Članovi udruženja su fizička lica, državljani Bosne i Hercegovine. Članovi udruženja mogu biti i strani studenti koji borave u BiH i prihvate Statut. Članstvo u udruženju se stiče prihvatanjem i potpisivanjem pristupnice, u skladu sa odredbama Statuta.

Odluku o prijemu članova donosi Upravni odbor Udruženja.

Protiv odluke Upravnog odbora, u roku 30 dana može se izjaviti prigovor Skupštini Udruženja, čija je odluka konačna.

Član 8.

Članstvo u Udruženju je volontersko.

VI - Status, prava i obaveze članova

Član 9.

Svaki član ima pravo da:

- ravnopravno sa drugim članovima učestvuje u ostvarivanju ciljeva udruženja;
- bude blagovremeno i potpuno informisan o radu i aktivnostima udruženja.

Svaki član je obavezan da:

- aktivno doprinosi ostvarivanju ciljeva udruženja;
- učestvuje, u skladu sa interesovanjem, u aktivnostima udruženja;
- plaća članarinu, ukoliko je takva obaveza propisana u statutu ili drugom aktu unutrašnje organizacije;
- obavlja druge poslove koje mu povjeri upravni odbor u vezi sa ostvarivanjem statutarnih ciljeva udruženja.

Punopravni član udruženja je student, fizičko lice koje studira na prostoru Bosne i Hercegovine.

Punopravni član ima pravo da bude biran u organe udruženja.

Član 10.

Svi punopravni članovi sa mjestom studiranja u mjestu sjedišta udruženja čine Nacionalni komitet udruženja.

Član 11.

Udruženje može imati počasne članove, koji su posebno zaslužni za razvoj udruženja.

Počasne članove udruženja bira skupština na prijedlog upravnog odbora.

Počasni članovi nemaju pravo da budu birani u organe Udruženja.

VII - Članstvo u udruženju prestaje

- istupanjem člana
- isključenjem člana
- prestankom rada Udruženja

Član 12.

Svaki član Udruženja može istupiti iz udruženja, na osnovu pismene izjave o istupanju koju dostavlja Upravnom odboru udruženja.

Kao dan prestanka članstva smatraće se datum prijema izjave o istupanju.

Član 13.

Član Udruženja koji grubo krši Statut Udruženja, ne izvršava svoje obaveze prema Udruženju, ili svojim postupcima nanosi štetu Udruženju, ili narušava ugled Udruženja, može biti isključen iz Udruženja.

Prije donošenja odluke o isključenju, član Udruženja mora biti obavješten o prijedlogu za isključenje, kao i o razlozima zbog kojih se predlaže isključenje. Članu Udruženja se mora ostaviti razuman rok za izjašnjenje o pokrenutom prijedlogu za isključenje iz udruženja.

Odluku o isključenju člana donosi Upravni odbor.

Protiv odluke Upravnog odbora, u roku 30 dana, može se uložiti pismena žalba Skupštini Udruženja, čija odluka je konačna.

Član 14.

Član Udruženja koji istupi ili koji je isključen iz Udruženja dužan je izvršiti obaveze prema Udruženju dospjele do dana prestanka članstva.

VIII - Organi udruženja

Član 15.

Organi udruženja su:

- skupština,
- upravni odbor,
- nadzorni odbor i
- sekretar udruženja.

Skupština udruženja je najviši organ odlučivanja.

Skupština udruženja može birati stalne ili povremene komisije, odnosno radne grupe-sekcije koje djeluju pri udruženju.

IX - Skupština

Član 16.

Skupštinu udruženja čine 21 član udruženja.

Skupština se redovno sastaje dva puta godišnje, u februaru i septembru.

Vanredna sjednica skupštine može se zakazati na obrazloženi prijedlog upravnog odbora, kao i na pismenu inicijativu najmanje jedne trećine članstva. Sjednicom skupštine rukovodi radno predsjedništvo od tri člana.

Mandat skupštine traje 4 godine. Svaki član skupštine sa gubitkom statusa punopravnog člana istupa iz skupštine i na njegovo mjesto se delegira drugi punopravni član udruženja.

Članove Skupštine bira Nacionalni komitet udruženja.

Član 17.

Skupština udruženja ima nadležnost da:

- donosi plan i program rada i poslovnik o radu skupštine;
- usvaja statut i pravilnike, vrši njihove izmjene i dopune;
- razmatra i usvaja, najmanje jednom godišnje, izvještaj o radu upravnog odbora;
- razmatra i usvaja finansijski plan i finansijski izvještaj o radu udruženja;
- bira i razrješava članove upravnog odbora, nadzornog odbora i sekretara udruženja;
- donosi odluku o osnivanju i gašenju Lokalnih kancelarija udruženja na prijedlog Upravnog odbora udruženja;
- proglašava počasne članove;

- odlučuje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama udruženja;
- odlučuje o raspodijeli imovine udruženja, za slučaj njegovog prestanka;
- donosi druge akte i odlučuje o svim drugim pitanjima koja nisu u nadležnosti drugih organa udruženja.

Član 18.

Skupština punovažno odlučuje ako je prisutna najmanje jedna polovina članstva. Skupština odlučuje natpolovičnom većinom glasova članova.

U slučaju potrebe članovi skupštine mogu glasati i u odsustvu (faksom, e-mailom, telegramom).

O izmjenama i dopunama statuta i dobrovoljnom prestanku rada udruženja, skupština punovažno odlučuje uz neophodno prisustvo najmanje dvije trećine članova. O izmjenama i dopunama statuta i dobrovoljnom prestanku rada udruženja, skupština odlučuje dvotrećinskom većinom glasova članova.

O izmjenama i dopunama statuta i dobrovoljnom prestanku rada udruženja, članovi skupštine ne mogu glasati u odsustvu.

X - Upravni odbor

Član 19.

Upravni odbor je izvršni organ koji se stara o sprovođenju ciljeva udruženja, koji su utvrđeni ovim statutom i odlukama skupštine.

Upravni odbor ima devet članova, koje bira i opoziva skupština.

Član upravnog odbora se bira iz reda članova skupštine.

Skupština bira predsjednika i zamjenika predsjednika upravnog odbora.

Zamjenik predsjednika upravnog odbora, u slučaju odsustva predsjednika, zamjenjuje predsjednika.

Mandat članova upravnog odbora traje jednu godinu i mogu se ponovo birati na istu funkciju.

Član 20.

Upravni odbor ima nadležnost da:

- priprema sjednice skupštine;
- rukovodi radom udruženja između dvije sjednice skupštine i donosi odluke radi ostvarivanja ciljeva udruženja;
- provodi politiku, zaključke i druge odluke koje je donijela skupština;
- organizuje redovno obavljanje djelatnosti udruženja;
- povjerava posebne poslove pojedinim članovima;
- raspolaže imovinom udruženja i donosi finansijske odluke;
- odlučuje o pokretanju postupka za izmjene i dopune statuta i drugih akata;

- donosi poslovnik o radu
- sopstvenom inicijativom ili na prijedlog najmanje trećine članova udruženja priprema prijedlog izmjena i dopuna statuta i drugih akata koje podnosi skupštini na usvajanje;
- podnosi godišnji ili periodični izvještaj o svome radu skupštini na usvajanje;
- odlučuje o drugim pitanjima koja nisu u izričitoj nadležnosti skupštine ili drugog organa, u skladu sa statutom.

Upravni odbor punovažno donosi odluke natpolovičnom većinom glasova svih članova.

Član 21.

Upravni odbor može da suspenduje člana u slučaju da član ne izvršava svoje obaveze i svojim postupcima nanosi štetu udruženju. Protiv ove odluke, u roku od 30 dana, može se uložiti pismena žalba Skupštini udruženja čija je odluka konačna.

Na mjesto suspendovanog člana, Upravni odbor postavlja vršioca dužnosti.

XI - Nadzorni odbor

Član 21.

Nadzorni odbor kontroliše sredstva udruženja, materijalno – finansijsko poslovanje udruženja, rad upravnog odbora i ostalih tijela koje imenuje i bira skupština,

Nadzorni odbor ima predsjednika i dva člana koji ne mogu biti članovi upravnog odbora i drugih organa koje imenuje i bira skupština.

Nadzorni odbor podnosi izvještaj o svom radu skupštini udruženja.

Mandat članova nadzornog odbora traje jednu godinu i mogu se ponovo birati na istu funkciju.

Rad nadzornog odbora bliže se uređuje pravilnikom o radu.

XII - Sekretar udruženja

Član 22.

Sekretar udruženja radi na pripremi sjednica skupštine udruženja.

Za svoj rad je odgovoran skupštini udruženja.

Mandat sekretara traje jednu godinu s tim da može ponovo biti biran na istu funkciju.

Sekretar obavlja administrativno-tehničke poslove.

Sekretara udruženja bira Skupština.

XIII - Sukob interesa

Član 23.

Član upravnog odbora ne može glasati o stvarima u kojima njegovi imovinski interesi, interesi njegovog bračnog druga ili njegovog srodnika do trećeg stepena mogu biti u suprotnosti sa interesima udruženja, niti u stvarima koje se odnose na pravno lice koje je pod kontrolom dotičnog člana, ili u kojem on ima imovinski interes.

Pravni poslovi iz prethodnog stava moraju se zaključiti po tržišnoj vrijednosti, ili pod uslovima koji su najpovoljniji po udruženje.

XIV - Imovina udruženja i korištenje i raspolaganje sredstvima Udruženja

Član 24.

Imovinu Udruženja čine: prava, stvari i novac koje Udruženje stiče u skladu sa Zakonom i ovim Statutom.

Za obaveze prema trećim licima Udruženje odgovara cjelokupnom svojom imovinom.

Član 25.

Udruženje može sticati prihode iz sledećih izvora:

- članarine
- dobrovoljnih priloga i poklona javnih institucija, fizičkih i pravnih lica, kako u gotovini, tako i u imovini i uslugama
- državnih subvencija i ugovora sa državom, javnim institucijama, fizičkim i pravnim licima
- prihodi stečeni kroz ostvarivanje ciljeva i aktivnosti udruženja, u skladu sa ovim Statutom
- drugih izvora u skladu sa važećim zakonima

Član 26.

O sticanju prihoda, korištenju imovinom i raspolaganju sredstvima Udruženja odlučuje Skupština u skladu sa ovim Statutom i opštim aktima Udruženja.

Član 27.

Udruženje je dužno uredno voditi poslovne knjige u skladu sa prihvaćenim računovodstvenim principima i sastavljati finansijske izvještaje, saglasno važećim propisima.

Član 28.

Upravni odbor je dužan, najmanje jedanput godišnje podnijeti Skupštini Udruženja izvještaj sa podacima o imovini Udruženja, korištenja imovinom, prihodima i rashodima Udruženja i drugim pitanjima od značaja za raspolaganje imovinom i za finansijsko poslovanje Udruženja

Član 28.

Kontrolu finansijskog poslovanja Udruženja vrši Nadzorni odbor, na način utvrđen ovim Statutom i pravilnikom o radu nadzornog odbora.

Član 29.

Svaki član Udruženja ima pravo da ostvari uvid u poslovne knjige i drugu dokumentaciju u vezi sa imovinom i finansijskim poslovanjem Udruženja.

Član 30.

Ostvarivanje prava iz prethodnog stava dužan je osigurati predsjednik Upravnog odbora, najkasnije u roku od 15 dana od dana prijema pismenog zahtjeva člana Udruženja.

Član 31.

Skupština udruženja može donijeti opšte akte kojim se, u skladu sa ovim Statutom, bliže uređuju pravila za ostvarivanje, kršenje i raspolaganje sredstava Udruženja i za nadzor nad korištenjem tih sredstava.

XV - Planiranje

Član 32.

Pored godišnjeg finansijskog plana udruženje može imati i plan priliva sredstava potrebnih za ostvarivanje statutarnih ciljeva.

Član 33.

Udruženje može imati strateški plan koji se donosi za period od najmanje pet godina.

Član 34.

Planove iz čl. 32 i 33. statuta udruženja donosi upravni odbor.

XVI - Pečat i znak

Član 35.

Udruženje ima svoj znak i pečat.

Znak Udruženja je okruglog oblika i sadrži mapu svijeta, otvorenu knjigu ispod koje se nalaze listovi i skraćeni naziv udruženja ispisan latiničnim pismom.

Pečat Udruženja je okruglog oblika, prečnika 38 mm na kom se u sredini nalazi znak, a okolo je koncentrično ispisan puni naziv udruženja na srpskom jeziku latiničnim pismom.

Pečatom raspolaže, a ujedno je zadužen predsjednik upravnog odbora. Posebnom odlukom predsjednik može prenijeti ovlaštenje raspolaganja na drugo lice.

XVII - Zastupanje i predstavljanje

Član 36.

Predsjednik i potpredsjednik upravnog odbora zastupaju i predstavljaju Udruženje u pravnom prometu s trećim licima.

Predsjednik upravnog odbora predstavlja udruženje u zemlji i inostranstvu.

U slučaju odsutnosti predsjednika i potrijedsednika upravnog odbora skupština može odrediti treće lice za zastupanje i predstavljanje udruženja u pravnom prometu s trećim licima i tom odlukom će se utvrditi granice ovlaštenja.

XVIII - Javnost rada

Član 37.

Rad Udruženja je javan.

Javnost rada Udruženja ostvaruje se na način utvrđen zakonom i ovim Statutom.

Član 38.

Organi Udruženja su dužni da ovlaštenim predstavnicima sredstava informisanja učine dostupnim podatke, informacije i isprave koje se odnose na rad Udruženja.

Predstavnici sredstva informisanja imaju pravo da uz saglasnost Upravnog odbora udruženja prisustvuju sjednicama organa Udruženja i da izvještavaju o radu tih organa.

Član 39.

Članovi Udruženja imaju pravo da budu redovno informisani o radu svih organa Udruženja .

O informisanju članova Udruženja predsjednik Upravnog odbora.

Član 40.

Izuzetno opštim aktom koji donosi Upravni odbor može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.

Za poslovnu tajnu ne mogu se odrediti podaci koji su javni po zakonu i drugim propisima, kao i podaci o kršenju zakona i drugih propisa.

XIX - Saradnja

Član 41.

Radi ostvarenja svojih ciljeva, udruženje uspostavlja kontakte i saraduje sa drugim stručnim, naučnim, obrazovnim i sličnim udruženjima i organizacijama u zemlji i inostranstvu.

Udruženje može pristupiti drugim domaćim, stranim ili međunarodnim udruženjima ili asocijacijama udruženja, koja obavljaju istu ili sličnu statutarnu djelatnost, o čemu odluku donosi skupština.

Član 42.

Udruženje može, zajedno sa drugim domaćim, stranim ili međunarodnim udruženjem ili kakvim sličnim organizacionim oblikom zajednički obavljati statutarnu aktivnost putem zajedničkog projekta ili na drugi pogodan način. Odluku o saradnji iz prethodnog stava donosi upravni odbor, osim ako ovakva saradnja nije već predviđena strateškim ili godišnjim planom, odnosno drugim aktom udruženja.

XX - Spajanje, razdvajanje i transformacija

Član 43.

Udruženje se može pripojiti drugom udruženju.

Drugo udruženje se može pripojiti udruženju.

Udruženje može izvršiti spajanje s drugim udruženjem tako da takvim spajanjem nastane novo udruženje.

Udruženje se može transformirati u fondaciju, u skladu sa zakonom.

Odluku o transformaciji udruženja iz ovog člana donosi skupština dvotrećinskom većinom članova, na prijedlog upravnog odbora.

XXI - Prestanak rada i sudbina imovine

Član 45.

Kada prestanu uslovi za ostvarivanje ciljeva udruženja udruženje prestaje sa radom članova odlukom skupštine. Skupština o ovome odlučuje 2/3(dvotrećinskom) većinom glasova članova.

U slučaju prestanka rada, imovina udruženja biće ustupljena jednoj od humanitarnih organizacija u mjestu sjedišta Udruženja.

U slučaju prestanka rada, likvidator će biti predsjednik upravnog odbora udruženja.

XXII - Opšti akti

Član 46.

Udruženje može imati i druge opšte akte koje donosi, mijenja i dopunjuje upravni odbor većinom ukupnog broja svojih članova, ukoliko za njihovo donošenje nije nadležna skupština udruženja.

XXIII - Izmjene i dopune statuta

Član 47.

Upravni odbor ili najmanje 1/3(trećina) članova udruženja može pokrenuti postupak za izmjene i dopune statuta.

Prijedlog izmjena i dopuna statuta utvrđuje upravni odbor, najmanje petnaest dana prije održavanja skupštine na kojoj statut treba biti usvajan.

Skupština punovažno odlučuje o izmjenama i dopunama statuta uz

neophodno prisustvo najmanje dvije trećine članova. Skupština odlučuje 2/3(dvotrećinskom) većinom glasova prisutnih članova.
Članovi skupštine ne mogu glasati o izmjenama i dopunama statuta u odsustvu.

XXIV - Prelazne i završne odredbe

Član 48.

Ovaj statut stupa na snagu od dana donošenja, a primjenjivaće se od dana upisa u registar kod nadležnog ministarstva.
Ovaj statut će se objaviti na oglasnoj tabli udruženja u sjedištu udruženja po upisu u registar.

U Banjoj Luci
02.09.2007.
broj: 2/07

Predsjednik Upravnog odbora

Dragan Grbić